

յաւուրս Մուսաննրֆ Գատաւորին , բայց յայնժամ Յոյնք
 ամբաստանեալ էին զՀայս , և Կուսակալն գրով և թախան-
 ձանօք խնդրեաց զնոսս , խսկ այժմ չերեւի 'ի միջի ամ-
 բաստանող եւ ամբաստանեալ : Քաղաքապետն ցուցանէք
 դատախազ Հայոց զԲեչլին և հարկադրէր երթալ և շահել
 զմիտս նորա , մի գուցէ սրամտեալ բարկացի 'ի վերայ նո-
 ցա և ածցէ զմեծամեծ չարիս , և թերեւս ասէ՝ խնդրէ ինչ
 'ի ձէնջ , և պատկառի զայն յայտնել մեզ : Չհանդուրժեալ
 Գատաւորին ընդ խորամանկ բանս Քաղաքապետին , ասէ՝
 վասն է՞ր բարկացի Բեչլին 'ի վերայ իմ , այլ բարկացի
 'ի վերայ Տէրութեան որ զնախորդն իմ քսորեաց , զի ոչ
 յարգանօք ընկալաւ զհրամանն նորա և չարաչար մեկնեալ
 զիմաստս նորին՝ զհակառակն գործեաց , եւ յետ այնորիկ
 առաքեաց նոր հրովարտակ , յորում պատուիրէր յետ կա-
 տարելոյ զամենայն ինչ ըստ Խաթի Շերիֆին , զԲեթղեհէմ
 և զԱստուածածին օրինօք չերի 'ի մէջ երկուց ազգաց բա-
 ժանորդ առնել հրամայէր , և բաց յայսմանէ գրեանք առ
 մեզ և առ Կուսակալն 'ի մեծէ Դենպետէն , յնպարքոսէն և
 'ի Քայմագամ Փաշայէ , և գիր 'ի տեղապահէ Կուսակալին
 վասն գործադրութեան հրովարտակին , յայնժամ հրաման
 ետուն հրապարակաւ Մուվելլայն , Գատաւորն , Քաղաքապե-
 տրն և ամենայն այլազգիք երկուց ազգաց լինել բաժանորդ
 տեղեացն այնոցիկ , այլ թէ որո՞վ եղանակաւ կատարեն զօ-
 րէնս իւրեանց , այն ինքեանց է դիտելի : Սակայն ժառան-
 գութիւն եկեղեցւոյ 'ի հարկէ պատկերօք , կանթեզօք եւ
 այլ իրօք լինի . խսկ այժմ չկարեմ առնել ինչ , մինչչեւ
 եկեալ իցէ հրաման յԱրքայէ , և այլ սոցին նման բանք բա-
 ղում : Լուեալ Քաղաքապետին զայսոսիկ , ոչ ինչ կարաց ա-
 սել , միայն ստիպէր զՀայս առաքել զօք 'ի Գամասիոս , և
 նոքա առաջի դէտին նմա զերկիւղ Արքային , մանաւանդ
 յառաջագոյն միանգամ զխորձ առեալ էին , և անմարթ էր
 վերստին անկանել 'ի մահաբեր որոգայթ նորին . վերջապէս
 պնդէր Քաղաքապետն՝ կամ Գատաւորին գրել Իլամ ըստ
 խնդրոյ Բեչլիին , և կամ Հայոց առաքել զօք առ նա : Գա-
 տաւորն անհնարին համարէր վասն միոյ խնդրոյ երկու
 կերպ Իլամ գրել , բայց խոստանայր գրել ըստ արժանոյն
 որպէս պահանջեն իրաւունք օրինաց , խսկ եթէ ոչ բաւա-